

SESSIONI URDINARIA DI U 4 DI LUDDU DI U 2022

N° 2022 /M3/21

QUISTIONE URALE DEPOSITATA DA LESIA BALDOCCHI PER U GRUPPU "SOLCU NAZIUNALISTU" À L'ATTENZIONE DI U PRESIDENTE DI L'ESECUTIVU

Ughjettu : Avanzamentu è avvene di i sfarenti prugetti in giru à a lingua corsa.

Sgiò Presidente di u Cunsigliu Esecutivu,

Simu cuscenti di u bisognu primurosù di salvà è di mantene a nostra lingua. Sta tematica hè stata parechje volte ammintata inde st'assemblea è in a sucietà civile in generale.

A Cullettività di Corsica si deve di mette in piazza pulitiche pubbliche per risponde à stu sughjettu.

U *Pianu Lingua 2020* hè statu creatu è messu in ballu in u 2014 per andà sin'à u 2020. Hè statu scumpertutu in parechje tematiche (u cuntestu sociolinguisticu, a nurnalizzazione di a lingua...) è rispondia à ogettivi sfarenti:

- Permette à ognunu d'amparà u corsu
- Permette à ogni locutore d'avè a pussibilità di sprime si in corsu à u cutidianu
- Assicura u spannamentu di a lingua corsa sopra à locu ma dinù for' d'isula...

Ogni pulitica publica si deve d'esse valutata.

Per pudè analizà stu pianu, un inchiesta sociolinguistica hè stata fatta in u 2021. St'inchiesta serebbe l'arnese principale per pudè apprezzà i diversi risultati aspettati.

Secondu à a vostra risposta à a dumanda di Madama Pietri mentre a sessione di l'Assemblea di Corsica di ghjennaghju 2022, i risultati devianu esse presentati di ferraghju o di marzu 2022.

D'altronde, u *Pianu Lingua 2020* essendu compiu, una seguita era prevista cù u prugettu *Lingua Avvene* .

Oghje chì ghjè oghje, ci pare difficiule d'avè accessu à l'infurmazione cuncernendu 'ssi prugetti è d'avè un resultatu precisu.

Tandu vi dumandemu quandu seranu publicati i resultati di l'inchiesta suciolinguistica? Si secondu à voi st'inchiesta hè un arnese abbastanza cumpletu è strutturatu per pudè apprezzà u *Pianu Lingua 2020*? È infine, à chì ne simu di u *Pianu Lingua avvene*?

À ringrazià vi.